

述功神境典文貞論治遠成厥開啟平津漢高
 卿之博辨屏張便殿猶存李繪之封豕武惠忠誠
 兼將相韓維兄弟並存嚴席趙資各之名譽詞賦
 效節之風晚節貞一代表龍鳳世須文忠之相葉
 蘇東坡王公之辭晉書
 其有作於今說得
 非以雨志不而歸公樂不取
 其效與泉令其
 補補其是斷公思古人
 其與公其與公
 其與公其與公
 其與公其與公
 其與公其與公
 其與公其與公
 其與公其與公
 其與公其與公

古今人詩

唐太宗宴中山詩

驅馬出遼陽萬里轉旂常對敵六旗舉臨戎八陣張
 斬鯨澄北海捲霧掃扶桑昔去蘭紫翠今來桂染芳
 雲枝浮碎葉水鏡上朝光回首長安道方歡宴柏梁

雨中寄六叔詩

刺定州時作

唐

杜牧

賤子本幽慵多為僞賢侮得州荒僻中更值連江雨
 一榻擁秋寒小窗侵竹塢濁醪氣色嚴皤腹瓶罌古
 酣酣天地寬怳怳嵇劉伍但為適性情豈是藏鱗羽
 一世一萬朝朝朝醉中去

贈柏巖禪師

唐 賈島

野寺絕依念空山會徧行
老來披衲重病起讀經生
乞食嫌村遠尋溪愛路平
多年柏巖住不記柏巖名
宋韓忠獻闕古堂八詠

牡丹

極塞將何奉燕娛牡丹池館一株無
誰人會我栽培意欲見吳宮小陣圖

芍藥

從來良守重農桑何事栽花玷此堂
已愛昔賢形藻繪更移嘉卉伴馨香

垂柳

東君於此最多情先與黃金撚畫成
何似亞夫堅壁地因人千古得嘉名

疊石

疊疊雲根漬古苔煙巒隨指在庭階
主人未有銘功處日視崔巍激壯懷

藥圃

堂下開畦植藥苗更將靈種悉名標
吾心盡欲醫民病長得憂民病不銷

溝泉

遙派分流過近堦潺潺終日瀉瓊瑰誰知到此幽閒
地多少餘波潤物來

小檜
小檜新移近曲欄養成隆棟亦非難當軒不是憐蒼
翠只要人知耐歲寒

芭蕉
邊俗稀曾識此科南方地暖北寒多孤芳莫念違天
性無奈深思愛育何

宋文信國渡滹沱河詩
過了長江與大河橫流數仞絕滹沱蕭王麥飯曾倉

卒回首中天感慨多

大又山
風沙雖水終亾楚草木公山竟蹙秦始信滹沱冰合
事世間興廢不由人

金章宗水竇巖漱玉亭詩

斷岸連蒼山寒巖多積雪中有萬古泉淙淙聲不絕

咏恒嶽二首

選一

明石惠瑤

百里見恒嶽龍葱步陣開雲多隨馬下山欲過溪來

旗影三家市香煙幾尺臺布袍羸馬客詩思亦崔嵬

于中山懷古
由來幾替劉深華無敵
明耿林裕曹風

千載中山地由來幾替隆繁華無趙俗淳朴有唐風
恒嶽千年峙嘉河盡日東蒿萊陽子宅瓦礫靖王宮
雪浪石猶在衆春園未空所忻得良吏百度自昭融

咏恒嶽三首

選一

明李夢陽

天高西北還喬嶽下視東南盡大洋元武蒼蒼氣流
黑扶桑滾滾影浮黃回巖日射千松暗絕頂風來六
月霜安得移將萬人石頓令炎海坐清涼

恒嶽

明劉應節

大茂山深擁帝州曲陽宮殿肅清幽地含靈氣常多
雨風入邊聲故早秋冀野關河盤帶轉元天星緯抱

雲流聖朝禮樂仍虞典不用登封五嶽頭

又

黑地高臨太乙都登壇玉檢照金鋪明堂禋祀遠今
古畫壁精靈信有無東里雲霞連紫鳳北來烽火隔
飛狐籌邊漫道兵車力海嶽千年是壯圖

又

顧爾行

豪情五嶽夢猶偏北極山川到眼前烽火不傳關外
戍望柴猶見帝城煙白雲萬里遙分越紫氣中原盡
入燕金簡至今崇秩祀可無風雨答堯天

又

秦臨晉

蒼茫烟樹出城巒躡履登臺一縱觀南望鄉關迷太
華北瞻宮闕近長安鶯啼楊柳春將暮雲暗山城晝
欲寒自古神明敷下土閭閻此日正凋殘

料敵塔 明 袁不瑄

郡城南面梵王宮突兀浮圖倚半空
潑水無波看倒影恒山有翠接危峰
頂安珠樹迎朝旭簷奏金鈴聽晚風
每上穹然絕頂處固疑身到碧虛中

又 明 李溥

高插青雲入望遙開元猶自記前朝
橫簪斗宿星垂弁俯視虹霓帶束腰
幾度躋攀臨絕頂等閒談笑薄

層霄度文宋墨今如昨披讀臨風酌酒杓

題衆春園四首 選二 明 黃輝

當年遊賞意何似狎鷗莊柳拂層城
靜花迎小隊香歌聲流遠戍杯影寄迴塘
幕府今何許空庭易夕陽

其二

榮衛清香散園亭淑景新每來歌舞地
祇是釣遊身月引池臺夢花看人代春
當筵倭報亟懷古一沾巾

中山懷古 本朝 陳奕禧 香泉

城郭盧奴鬱壯圖古鮮虞國北燕都
中山委粟荆榛合大塔凌風鶴鶴呼
園有衆春佳宴賞齋存雪浪可

歡娛回頭霸業多陳迹得似韓蘇二守無

貞烈行

深邑 梁清寬

宋孝廉素負義俠明季澤城失守死之妻女皆

殉一門三烈邑為立祠歌以弔焉

君家處規擅節久玉碎羞與瓦礫偶赫赫烈志撼塵

頭迨君復克繩厥後猶憶黑山匝天關十萬控弦原

野吼大地潰囂紛奔逐孤城日暮苦不守義士登陴

氣愈壯悲歌烈烈雪鋒向睢陽城裏見巡遠書生仗

節與相望更有弱質雪為肝銀瓶甘墜玉釵寒投岸

不減陳仲婦死孝更得曹娥難瑩瑩明珠付白練男

忠女烈生無忝賢侯祀之廟綱常千秋俎豆有餘光

人生百歲會有死雖死猶生骨馨香

題雪浪石

東魯 秦生鏡

同此莊堦地當年太守閒雲根分北嶽雪浪著中山

槐幹龍拏爪芙蓉水照顏東坡亦愛石人說米家頑

又

秦 濟 子 生鏡

奇石搜來北嶽根黝然照水片雲屯冰壺浮動生珠

影素練紆迴帶浪痕詩句常新花吐筆芙蓉不謝玉

為盆兩孫已去蘇公杳獨對寒齋誰其論

奉

敕恭和

御製雪浪石用蘇東坡元韻

吉林德保定圖

一卷奇石寒雲屯坡老椽筆詞流尊恒山移此貢瑰
狀雨淋日炙難霾昏

鑿輿偶駐振

宸藻勝尋黃葉江南村至今石尚作水勢軒然大波橫龍

門咫尺濫瀕眩銀海清冷與濯愁人魂當年脫帽小
徙倚高吟聲徹秋樹根要識詩人但寄意事如春夢
元無痕趙符燕壁嗟散軼神物變態安可論玉局風
流不再見摩挲斯石珍斯益詞客有靈應亦笑石乎

何幸今猶存

丁卯冬月視學山右途次定武再疊前韻

是日微雪
德保

扶輿精氣片石屯黑質白脈奚辨尊風流州牧頗好
事雪浪齋頭伴朝昏我

皇茹古博採訪搜羅遍及古名邨題詩繪畫傳不朽如招

賢人闢四門是時珥筆叨侍從媿未寫出靈石魂今

過此地復延仁重尋古物探仙根圓流生珠方生玉

彷彿巫峽雲濤痕

元松陵氏有巫峽雲濤石屏楊廉夫為作志

恰喜龍公

成微雪花舞綴堪同論眼前幻景足清賞何煩拄

杖玉女盆千載此齋與此石直教千古總長存

題定州試院樓壁

此詩和韻次韻者林立不及備載

顧維持國

憑欄塵眼一為開昨歲遊人今又來十月霜晴好時

節滿城風物上樓臺舊題留壁誰能記隔院看花首

重回浪跡如萍何處著欲登車去且徘徊不

辛巳九月重來定州試院登後樓見壁間和句甚

多原唱青霞散人乃予老友顧名維號持國詩

人也在予暮三年經今十載重尋往事如逢故

人感而有作仍和原韻

錫山張泰開有堂

客中笑口喜頻開今日登樓感慨來契闊我常懷舊

雨倦遊君已卧鄉臺敲詩每憶連床樂鬪韻多從醉

月回底事十年彈指頃重吟好句獨徘徊

定州試院偶成和張總憲有堂原韻

長沙羅源漢南川

中山雨過宿雲開曉日登臨眾景來題壁愧添新墨

蹟懷人空憶舊烏臺

有堂與余共事考院有年

唯期霄漢心常捧

敢詡狂瀾手障回聞說韓蘇祠近在臨風瞻仰幾徘

徊

甲辰四月次壁間韻

海鹽陳宗淵心齋

更上層樓眼界開感生古往與今來院新此日衡文

館堦時當年料敵臺恒嶽山尊猶秩祀溇沱河勢自
濤回齋存雪浪鐫詩句一誦遺篇一徘徊先世香泉
公曾令深
澤有所書詩句
刻入雪浪齋中

登定州試院後樓次壁間韻及查調德保

中山古郡倚雲開觸熱偏煩使節來留詠敢云追雪
浪招賢且喜自金臺樓依北闕天光近日映西山堦
影回壁上偶尋佳客句摩挲塵迹共徘徊

丙辰春次壁三首南滙 吳省欽 白華

重欄危倚暮雲開掃徧中山紫穎來及我登臨颯風
雨是誰歌舞上樓臺浮屠影卓窺檐入扇院聲沉喝

道回多少舊鄉人物感華亭陸蒲塘文詳吳縣張舍
人瘦銅墳皆有題壁之作

衆春園裏並徘徊

其二

秋禊平臨景色開掃殘禿穎笑重來軍連魏博雄三
鎮蹟問韓蘇幸五臺釋絡兵車行不斷時索倫兵征
楚匪賊過境

蒼茫師友逝難回莫言買醉能千日好倚危欄小遲
徊

其三

切漢樓高鎖鑰開如雲嶽色傍人來河非漢主追兵
渡堦是韓王料敵臺霜信故催黃葉落沙光遙襯白

定州志 卷之三十三
翎回明朝又發臨歧感馬首吟鞭一袖徊

定州覽勝樓次壁二首

濱州杜受田 芝農

層樓高出曉煙開事物蒼茫到眼來風雅遺留珍片

石英雄寂寞對荒臺龍潭舊蹟功誰嗣蜃海狂瀾力

可回 時家大人奉命撰明義開邪說繕稿進呈 咫尺昔賢遊賞地興懷

今古幾遲徊

其二

憑欄迴立眼重開定武山河攬勝來著意搜奇歸鐵

網關心買駿卽金臺雪晴雲散西山出日暮天寒北

雁回卻愧當前珠玉在臨風搦筆獨低徊

定州試院留示諸生作用壁間原韻

南通王廣蔭 蔓堂

文峯矗向碧雲開使者頻持筴節來爲採芝蘭離草

莽肯教桃李作輿臺經畬有訓宜蒐討風氣爭趨在

挽回百尺樓高期更上竿頭進步莫徘徊

登覽勝樓見壁間杜芝農同年和詩依韻寄懷

王廣蔭

軒窗一面拂塵開 樓三層惟南有窗 先後登臨自去來愧我

中山森節署思君近水有樓臺 上書房行走 暫留鴻雪痕

猶在頻望燕雲於幾回同是憐才珍重意衡量當否

輒低徊

中甲辰四月隨王夔堂學使年丈襄校至此登樓次

壁間韻六首

選二

長沙

周壽昌

荇農

傑檻崢嶸夕照開尚書持節此曾來凌雲詞翰留槐

閣舊雨詩篇和柏臺

南川尚書為叔大母羅太恭人之太翁廳壁有石刻和張有堂

總憲

清識昔推裴僕射名才久佩邠方回耆臣況繫

鄉邦望石褐摩挲特契徊

其二

星輶迢遞驛花開白日堂堂感去來壯志雄摩郭公

劍

元氏有郭代公試劍石

鄉心遠觸漢王臺

長沙有漢定王三臺後徙封中山

邊雲樹盤雕迴二月音書寄雁回登眺且應留雪爪

他年征軸倘紆徊

丙午冬日登試院後樓志感用壁間韻

勞沅恩

獨倚危欄倦眼開遙天一雁自徘徊籠雲堦影南朝

舊帶雪山痕北岳來從古英雄多草莽到今風月賸

樓臺登高無限蒼茫思欲下層梯首重回

重修衆春園韓蘇祠落成志感

寶琳

太行西來據地脊大河以北莽沙磧定武自古盛武

功多少英雄等過隙汴宋之時亦重鎮屯田訓練無

遺策其間賢豪不足數到今傳者韓蘇迹魏國早負
天下望坐守巖疆捍肘掖軍民爭欲生祀公何論功

名爛竹帛文忠出帥期年耳奏議萬言紛絡繹公無

去斯去益思倉猝英州泛江驛

元祐八年公知定州
甲戌追一官知英州

汴泗之間乘舟
泛江倍道而行

道與身世為汗隆惟有民心思不易

大抵訓兵貴兵強尤在牧民恤民瘠二公遺愛共今

古韓有園兮蘇有石宋鼎可移此不移鬼神呵護精

華積我來此土後千年幸際

承平戢兵革堂開

闕古重思古治蹟碑高誦刺刺

魏公治蹟碑
記宋銜規撰

城西有

村泉源清種稻至今資利益

城西二十里有村名蘇
泉文忠公所治可溉稻

田若干頃至
今民享其利

吁嗟一瓣心香藝瞻拜祠前恍親炙今

歲獲稔鳩厥工大新堂宇光舊澤同龕合祀昉明代

神來格兮懼且懌神之懽懌福黎庶永鞏金湯奠在

席無窮感喟發清歌謾謾涼飈振秋碧

寶夢蓮刺史重修衆春園韓蘇祠并葺雪浪齋指

石屬題成二十韻

勞沅恩

憶昔快讀蘇公集中有雪浪沉香詩分明咏石為滕

倅其一無乃公得之當年星精挾霹靂強虜血肉交

淋漓功成不賞塊然卧自有文章光惟奇斷菑者形

艾其色纏束白理如卷絲為漚為淪為奔濤隱約蛟

蜃蠃蝮螭天生異質孰彷彿位知微後無畫師幕府
 宴客玉雨冷噴薄丈八芙蓉枝行李倉皇英州走安
 得大力相舉移黨碑之石太頑惡能不理沒沙泉滋
 再出人間四百載觀者於是羣猜疑益如雪資銘完
 好尤恐刻鏤非宋時物以人重真固佳就令偽託何
 足訾況同名諡異宗派一一羅列更疇知其一配立
齋中夢蓮

刺史謂卽唐空明石本在趙州移置
於此一在州學之後皆名雪浪石我亦中山從事
 者閒來開鑿堂坳池三雨雲根蠹池上聊復摩剔擦
 吟髭世間凡物無定主適與之構難為私乍得相誠
 勿復失公不云乎牛李癡大夫好古闡遺迹日予及

汝同所思既能畫石試賦石拈毫一俯仰徒齎咨

題復閱古堂樂府

并序

杭州黃曾菊人

寶夢蓮刺史守定州建復閱古堂取志乘所載
 名宦鄉賢事蹟可風者圖諸屏壁十有四事亦
 鑒古意也屬余各繫以詩因仿元人咏史樂府
 分賦如數

治河謠

漢鄧訓事

新莽苛徭役三輔民卒瘁閱數十年猶未蘇建初吏
 治更掾切大絃高張小絃絕賢哉鄧使君治河貸民
 力以驢輦重比人疾活民何止過千百滹沱石曰雨

河相望平河堤鞏固兮使君之績彰河水清泚兮使君之澤長君不見休兵養士策高密名在中興功第一賢哉使君能繼述

殿下來

北魏高澄事

殿下來但飲水一杯殿下去且食蔬一箸此鄉何幸與廉吏遇殿下廉吏亦能吏治求牛盜牛有皮他年縛盜及菜葉目不識字奚盜爲當時銅拔聲初歇四野望治如望澤神武宮中花萼枝如殿下者真超越君不見斬亂絲徒酷烈

杖羊皮

北魏李惠事

杖羊皮問皮應屬誰杖人不如杖皮好屬誰只有羊皮知羊皮知墮鹽屑屬賣鹽者兩心折後人效之奉爲聽訟訣君不見兩姥爭團絲鞭絲絲見鐵

手一縑

北齊石曜事

手一縑前致語十年蒲練未剪裁德秀箚中聊存貯一縑何足云叶用之廉吏良自珍千匹萬匹不敵絹光好一絲一縷皆精神此外不敢歛諸吏與民使君弗喜慎勿嗔噫吁嘻暮夜金探懷取世間餽遺何紛紛請視黎陽老石之機杼

催科拙

唐陽城事

催科拙大吏怒判官堂堂來督賦催科拙撫字勞側
隱之言非解嘲惻隱所被有生共道州終罷侏儒貢
九重詔書惜已遲斯人乃不竟其用

裴鎮州詠

宋裴濟事

花光柳色迎旌旂春風拂拂吹魏豨闐然悍卒劫土
牛公知其變捕治速餘黨芟夷若斬木殺青金布令
如雷一隊銀刀果然肅熙淳以後愁邊塵專中制外
須虎臣中山尤爲重鎮重不爾何以軍威申尹繼倫
張齊賢同時拒寇功爛然非公誰與參後先

定郊大閱歌

宋王德用事

定郊大閱肅部伍契丹如鼠漢如虎屈人竟有不戰
兵不戰之戰乃真武岐溝飛狐漸肆敵敗走關潘死
楊業徐河小挫焰仍張延及寶康迄慶厯黑王相公
智勇兼奪人都在先聲先旗影視所向鼓聲搥欲圓
十隊五隊真暨暨一甄兩甄方淵淵戰未必勝示勝
勢軍容如此憑窺覘兵將大至疑漢亦畏漢和議一
決無遷延無遷延勝局開狙人自此兵氣頽乾元班
頭訝復起玉津園裏真將才敵疑當以疑兵勝代州
堪與此相競君不見焚芻列幟并師來土鏡砮中寇
一摧

溉田行

宋辭向事

新河源水勢橫流一雨易積民廬愁自來興利在除
患孰是有策先防秋辭給事度民便程功直擬平津
堰一頃復一頃誰可犁爲田可田可溉斯可濬疏鑿
活盡源頭泉溉田本爲濬水計未幾田亦通耕煙河
波靜恬膏壤接一舉不啻雨善兼是時天下苦新法
荼毒青苗暨保甲約束水利領成書民力可憐日促
狹給事獨創惠政新冠君德化通帝宸君不見條奏
七事制曰可豈獨溉田稱吏循

一廉如水

明劉茲事

一廉如水吏無兩署壁名傳六卿長書人直擬夾袋
珍留墨幾同御屏賞有明憲宗羅俊彥前有七臣後
四諫清廉尤屬劉刺史求雨得雨澄懷見澄懷見指
水堪盟心一片迄今澆水鳴湯湯刺史賢聲流且長

清原隰

明韓希龍事

東營西屯路衰斜原隰交錯若犬牙豪右恣作影射
法一弓弓地如疑蛇韓郡守有善政指畫民田靜如
鏡丙帽丁戴甲尸乙姓一一清析如牛毛不爾何以
消訟覺君不見玉暢頓卽隙地餘迄今誰辨晉與鄭

勁老將

蘇文忠公事

効老將肅定武老將爲誰王光祖是時典郡眉山蘇
飭厲士卒其嚴乎將後至者尙有誅大閱不問罪有
餘元祐臨朝女堯舜天下兵氣忽焉靜軍政廢弛何
足以難蘇典郡君不見効老將將將奮懲一警百斯
足訓

公宇破

韓忠獻公事

秋雨零破公宇公宇雖破猶可補兵營穿漏不可處
公何人斯軍中韓卽此推誠恤士旅狄武襄隸公部
但爲公宇愁不念宇下人亦多被雨熟左氏書猶未
通今古君不見枕干夜睡軍門邊儒將用兵那惜苦

燃鬚燭

韓忠獻公事

燃鬚燭鬚何能燃兵手觸吾愛兵以兵較鬚鬚亦輕
主吏鞭朴甚於燃鬚火一言微解能使萬帳軍心傾
嗚呼魏公心兵今時無魏公寬仁古賢有君不見翻
羹手吐茵口

韓忠獻閱古堂歌

魏公作帥多儒風投壺賦詩中山中間開堂事號閱
古良守良將追前蹤或證史冊或志乘一一原始要
厥終形之筆墨繪諸壁古人如對堂西東漢唐人物
足搜考北魏北齊多英雄其餘仁宗以前諸輩行生

不異代俱堪宗凡十六人巧位置數符應真畫亦工
公之師古心虛冲公之偉績益以崇督師西夏秉鈇
鉞練兵不讓臨淮功救弊八策歸指畫漢書一部羅
心胸猶愛古人繪古事到今亦復圖公容圖公者誰
寶刺史構堂作繪亦如公之繪古存虛衷視昔有今
今有後吾料後人亦圖刺史傳無窮

咏濟竇崖

王蘭廣

名山不在高所貴在奇古異哉濟竇崖一望頭堪俯
地中挺出卽嵯峨倔強羞與羣峰伍石骨崢嶸森芒
角苔痕斑駁臥熊虎驚賞合下米顛拜品題曾入蘇

公譜崖下水竇生流泉長年汨汨瀉鐘乳滙爲陂池
漣且清中有纖鱗粉可數憶昔春來偶一遊浮休雨
字頻摩撫結構雖小自天然何須五嶽尋鼻祖秦碑
漢篆不能到獨向荒陂吼風雨

乙巳九日同陳松軒學博楊星軒孝廉登嘉山由
觀金佛峪至碧霞殿遇雨小憩循嶺南下得見雲氣
噴噴吐納之狀紀遊四律 一 荆簡 王蘭廣

年來奔走逐風塵總被官書絆此身佳節恰逢重九
日素心喜得雨三人萸囊作佩腰誰健菊酒開樽味
乍新黃葉滿山圍古寺禪堂小憩早怡神

一峰纔過一峰迎攬轡居然控馬行疊嶂廻環迷向
背重巖瞬息變陰晴天光須自空中看雲氣都從脚
底生咫尺匡廬登不得山風吹雨作琴聲
危崖直上叩空門今古何妨一快論郭李戰功餘陣
蹟金遼割據想邊屯東臨高踞中山勝北望遙瞻大
茂尊逸興未闌蒼靄暮下方煙火認前邨
夕陽西去照峰腰回首琳宮入望遙冷雨跳巖珠萬
顆怪雲壓樹練千條神光離合煙嵐幻仙馭騫騰氣
勢驕領略山靈無限意教人遊罷興還饒

咏濟寶崖

韓城

師長順

坦之

兩崖鑿空嵌石骨撐奇秀噴流漚為澤彷彿落雲竇
最好涼雨霽一派駛飛溜突若刀劔鳴轉似琴筑奏
上有坡公蹟其名高斯籀但識浮休字含意孰尋究
悠然愜我懷天風振衣袖歸來遠塵夢猶覺耳根漱

